



## Publicaziuns dalla vischnaunca, jamna 48

### Damonda da baghegiar

**Nr. 2013-1052.000**

Datum dalla publicaziun: ils 29 da november 2013

**Il patrun:** Andersson und Partner Via Alpsu 43, 7180 Disentis/Mustér

**Il representant:** Anders Olaf Floden Via Alpsu 43, 7180 Disentis/Mustér

**Object:** Sligiar si la butica existenta ed endrizzar in café (midada da diever), baghetg annex existent, parcella 536, Via Alpsu 43, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/ Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 25-11-2013

*Uffeci da baghegiar Disentis/Mustér*

---

## Resultats dallas votaziuns federalas e dall'elecziun communal dils 24-11-2013

### Votaziuns federalas

Diember dis votants: 1582

Participaziun alla votaziun: 54,9%

*Iniziativa dil pievel «1:12 – Per salaris gests»*

Dau giu cedels 869

Cedels vits 9

Cedels nunvaleivels 4

Total cedels vits e nunvaleivels 13

Cedels valeivels 856

**Gie 244** 29%

**Na 612** 71%

*Iniziativa dil pievel «Iniziativa a favur dallas famiglias: Deducziun da taglia era per geniturs che miran sezs da lur affons»*

Dau giu cedels 868

Cedels vits 12

Cedels nunvaleivels 4

Total cedels vits e nunvaleivels 16

Cedels valeivels 852

**Gie 384** 45%

**Na 468** 55%

*Midada dalla lescha davart la taxa dallas vias naziunalas (vegnetta per autostradas)*

Dau giu cedels 869

Cedels vits 6

Cedels nunvaleivels 4

Total cedels vits e nunvaleivels 10

Cedels valeivels 859

**Gie 408** 47%

**Na 451** 53%



### **Eleccziun communal**

Diember da votants: 1580  
Participaziun alla votaziun: 49,2%

#### *Cumissiu da gestiun*

Dau giu cedels 777  
Cedels vits 36  
Cedels nunvaleivels 5  
Total cedels vits e nunvaleivels 41  
Cedels valeivels 736  
*Total vuschs da candidats (valeivlas) 1621*

*Vuschs han obteniu ed elegi ein:*

**Beat Hosang** 619  
**Manfred Caviezel** 535  
**Toni Huonder** 317

*Plinavon han obteniu vuschs:*  
Ulteriurs 150

*Biro electoral:*  
*La presidenta: Cecilia Maissen-Desax*  
*Igl actuar: Andri Hendry*

---

### **Dretg da recuors**

Sebasond sin art. 37 dalla lescha communal davart ils dretgs politics sa vegnir recurriu encunter l'eleccziun dalla cumissiu da gestiun dils 24 da november 2013 enteifer 3 dis dapi ch'il motiv da recuors ei vegnius constataus, sil pli tard denton il tierz di suenter la publicaziun officiala dils resultats. Il recuors ei d'inoltrar alla suprastanza communal.

---

### **Tagliar caglias e plontas**

Tenor art. 75, al. 4 dalla lescha da baghegiar astgan plontas buca disturbar la vischinonza ni la segirtad publica.

Per liung dallas vias publicas e privatas sco era sendas ein tuttas caglias e plontas da tagliar anavos, aschia che nuot survarga il cunfin (era buca suenter ch'ei ha neviu).

Quellas lavurs ston esser finidas sil pli tard entochen la *fin da november 2013*. En cass che las caglias e plontas vegnan buca tagliadas anavos enteifer il termin fixau, vegnan quellas lavurs exequidas ent-ras il survetsch tecnic dalla vischnaunca cun adossar ils cuosts als proprietaris.

Disentis/Mustér, november 2013  
*Uffeci da baghegiar Disentis/Mustér*

---

### **Reducziun individuala dallas premias dalla cassa da malsauns 2013**

Persunas e famiglias che vivan en relaziuns economicas mudestas san, risguardond certas premi-ssas, dumandar contribuziuns vid las premias dall'assicuranza da basa obligatoria per la tgira da malsauns (LAM).



Persunas che han aunc buca fatg diever san far quei entochen *la fin digl onn 2013 (davos termin, datum dil bul da posta 31-12-2013)*.

Informaziuns, basa legala, muossavia ed il formular d'annunzia anfleis Vus sin la pagina d'internet [www.sva.gr.ch](http://www.sva.gr.ch)). Vus saveis era retrer ils formulars tier l'administraziun communal.

Per damondas stein nus bugen a Vossa disposiziun  
*Administraziun communal*

---

### Controlla dils barschaders d'ieli

Il controllader da barschaders d'ieli, Marcel Levy, vegn il proxim temps ad exequir las controllas per la perioda 2013/14. Nus fagein attents convischinas e convischins che quellas controllas ein tenor las ordinaziuns federalas e cantunalas obligatorias.

Controllau vegn: Funs, Scaletta, Chischliun, Sontget, Faltscharidas e tuts uclauns.

Nus supplichein da prender enconuschientscha da quest avis.  
*Administraziun communal*

---

### Pigniel da Nadal 2013

La 3. classa reala/secundara Mustér organisescha uonn la vendita dil pigniel da Nadal. Ei vegn vendiu pignola mo sin empustaziun. La vendita ha liug avon il local dil menaschi tecnic a Cuoz-Sut:

*Mesjamna, ils 18 da december 2013 dallas 8.30–11.00.*

Il pigniel sa vegnir empustaus entochen **ils 11 da december 2013**. Il talun d'empustaziun anfleis Vus sin la pagina d'internet [www.disentis.ch](http://www.disentis.ch).

Adressa: Scola Mustér, vendita da pigneuls  
Caum postal 41, 7180 Mustér  
telefon: 081 947 52 85  
fax: 081 947 52 86  
Mail: [cberger@scoladisentis.ch](mailto:cberger@scoladisentis.ch)

Nus supplichein d'indicar tier l'empustaziun l'exacta adressa cun la numera da telefon, la grondezia dil pigniel e tgei sort che vegn giavischada.

Pégn (Rottanne)	1,10–1,50 m frs. 26.–
	1,60–2,00 m frs. 29.–
	2,10–2,50 m frs. 33.–
Viez (Weisstanne)	1,20–1,70 m frs. 38.–
	1,80–2,50 m frs. 43.–
Pégn da Nordmann	1,10–1,50 m frs. 41.–
	1,60–2,00 m frs. 56.–
	2,10–2,50 m frs. 78.–

### Pinar sez il pigniel da Nadal!

Igl uffeci forestal dat era uonn la pusseivladad a mintga habitont ni hosp da Mustér dad ir egl uaul a pinar gratuitamein il pigniel da Nadal giavischau. Il forester communal accumpogna ils interessai e dat in ni l'auter cussegl.

Nus s'entupei cun resti cauld, buns calzers ed in resgiut *sonda, ils 21 da december 2013 allas 9.00 sil parcadi Claustra (Davos Mustér)*.

*Uffeci forestal Disentis/Mustér*



### **Clom da quens**

Il quen communal vegn serraus giu cun ils 31 da december 2013. Per saver risguardar las expensas occurridas uonn el quen 2013 ei tut tgi che ha aunc da dar quen alla vischnaunca pigl onn current supplicaus da far quei entochen il pli tard **ils 20 december 2013**.

Nus supplichein tuttas firmas sco era tut ils officials dalla vischnaunca d'observar quei termin.

*Administraziun communal Disentis/Mustér*

---

### **Controlla da habitonts**

*Naschientscha*

Curdin Maissen, naschius ils 18 da november 2013, fegl da Ivo e Manuela Maissen-Bigliel.

---

### **Sontgaclau Segnas-Acletta**

Sco mintg'onn vegn il Sontgaclau da Segnas-Acletta era uonn puspei sin viseta. Per ch'el stoppi buca star avon escha serrada supplichescha el da comunicar sch'el astga vegni a far ina viseta cun in per cuortas indicaziuns (cavazzins).

Igl oremus vegn prelegius allas 23.00 ell'ustria «Crestas» a Segnas. Ei fagess grond plascher d'astgar beneventar ina massa vischins. Las annunzias san vegnir tarmessas entochen ils 6-12-2013 alla suandonta adressa: Carlo Monn, Via Cuoz-sut 4, 7186 Segnas. Ni per mail sin: carlo-monn@hotmail.com.

Cordial engraziament ed in bi temps d'advent giavischa a Vus  
*l'uniun da giuventetgna Segnas-Acletta*

---

### **Sontgaclau viseta ils seniors**

*Dumengia, ils 8 da december 2013 allas 13.30 en halla Cons*

Cun grond plascher envidein nus tut ils convischins e las convischinas da 60 onns ensi alla tradiziunala sentupada cun Sontgaclau. Cun in pign program, viseta dil Sontgaclau ed in pushegn lein nus porscher a Vus in per emperneivlas uras en cumpignia.

Nus selegrein da passentar ensemen cun Vus in bi suentermiezdi.

Cordialmein envida  
*Uniun da dunnas Mustér*

---

### **Sontgaclau fracziun Vitg**

*Sonda, ils 7 da december 2013 viseta il Sontgaclau Vitg las famiglias dalla fracziun Vitg*

13.30 Viseta ellas ustrias dil vitg  
15.30 Messa da Sontgaclau, baselgia parochiala s. Gions  
16.30 Sentupada cun Sontgaclau avon l'ustria «La Furca»

Silsuenter viseta dil Sontgaclau da vitg ellas casadas. Il Sontgaclau viseta era uonn bugen Vus a casa. Vossa annunzia per mail: sontgaclauvitg@hotmail.com, per posta: Sontgaclau 2013, Vitg, 7180 Mustér.

Fagess a nus grond plascher.



### **Sontgaclau da Funs-Latis-Clavianev Sonda, ils 7 da december 2013**

Sco usitau s'entaupan ils vischins e las vischinas da Funs, Latis e Clavianev suenter messa da Sontgaclau, vid las 17.00 el curtin dalla «Villa». Plinavon dat ei era uonn in program special pils affons.

Per dapli informaziuns: Aurelia Flepp, 076 533 83 60. Bugen fa il Sontgaclau era ina viseta tier Vus a casa. *Sontgaclau Clavianev*:

Remo Huonder, remo.huonder@autohuonder.ch e *Funs e Latis*: Adrian Huonder, adrian93@gmx.ch

Nus s'elegrein d'astgar beneventar Vus en il curtin dalla «Villa».

---

### **Adventskalender 2013 in Mompé-Medel**

Datum	Wer
1.12.	Anna Margrit und Gion Battesta Manetsch
2.12.	Lidia e Placi Manetsch
3.12.	Baseli Jacomet
4.12.	Anna-Maria und Pius Manetsch, <i>offene Tür</i>
5.12.	Rosa und Leci Simonet
6.12.	Philipina und Pauli Levy
7.12.	Marianne und Robert Spreiter/ Hans-Ruedi Manetsch, <i>offene Tür</i>
8.12.	Lucia, Linus, Alfred Jacomet
9.12.	Markus Pally
10.12.	Regula und Bruno Manetsch
11.12.	Anita und Leo Simonet
12.12.	Rita und Robert Augustin
13.12.	Guido Bundi
14.12.	Sägerei/Gion Battesta Manetsch
15.12.	Zita Venzin und Giusep Manetsch
16.12.	Albert Buholzer und Matthias Deflorin
17.12.	Stall Familie Simonet
18.12.	Doris und Marcel Manetsch
19.12.	Maria und Mario Deflorin
20.12.	Daniela und Kurt Krummenacher, <i>offene Tür</i>
21.12.	Susanne und Ulrich Cavelti
22.12.	Priska Müller und Armin Manetsch, <i>offene Tür</i>
23.12.	Marianne und Markus Steiner, <i>offene Tür</i>
24.12.	Kappelle Mompé-Medel

Die obigen Familien mit den *offenen Türen* freuen sich, am entsprechenden Tag zwischen 17.00–19.00 Uhr über einen Besuch von Ihnen und offerieren einen Apéro.

---

### **Devoziun da famiglia en baselgia da Sogn Placi a Mustér**

Dumengia, igl 1. da december 2013 allas 17.00.  
Nies tema dalla devoziun secloma: La pintga glisch.

Cordial beinvegni a tut las famiglias!

*La gruppа dil Salid dil Segne*



### **Uniun samaritana Mustér**

Nus s'entupeiin *gliendisdis*, ils 9 da december allas 19.30 ella «Casa Cruna» per star in'uriala en buna cumpignia. Ei vegn purschiu ina pintga tscheina.

Selegrond sin Vossa participaziun ed ina biala sera salida  
*la presidenta*

---

### **Uniun da dunnas Mustér Fiera da Nadal a Mustér**

*Dumengia, ils 24 da november 2013* dallas 11.00–19.00 sil plaz da scola.

13.00–17.00 zambergiar decoraziuns d'advent ed entagliar ravas en halla Cons

17.30 til cun ravas entagliadas

13.30/14.30/15.30 vegn mintgamai raquintau cuortas historias d'advent en biblioteca

Encunter fom e seit vegn purschiu diversas spisas e bubrondas. Nus selegrein sin Vossa viseta e giavischein a Vus in per bialas uras en emperneivla tempra d'advent. Il recav va uonn agl aunghel da Nadal. Igl aunghel da Nadal vegn organisaus dall'uniun da dunnas cantunala (kfg). Famiglias ed af-fons en pitgiras el Grischun san inoltrar ina damonda per sustegn agl aunghel (p. ex. agid cun la fi-nanziaziun dalla scola da musica etc.). Igl aunghel grond ei deponius a Cuera duront il temps d'advent e dus pli pigns ein sin viadi el cantun Grischun. In da quels ei uonn tier nus alla fier da Nadal.

Sin in bien seveser

*ils expositur/as e l'Uniun da dunnas Mustér*